

A.S.H.
82

A M E N C E R

Un amencer,
unha raiola de sol
pra enxugar as bágoas de orballada
que choraron, na noite pecha,
homes sin esperanza.

Un amencer,
unha enxurrada de luz
pra alumar as ialmas escuras
que apagou, na noite pecha,
un furacán de saudades.

Un amencer,
un teito de música
pra cobixar a marxidados e parados
que anceiaban, na noite pecha,
unha alborada de irmans.

Un amencer,
un lostrego de vida
pra alentar a emigrantes galegos
que marcharon, na noite pecha,
arrepuxados pola fame da Mai.

Un amencer,
Unha lene brisa
pra levar verbas de remordemento
a xentes que, na noite pecha,
enraxuman metralletas.

E pros meus trece anos, tamén
un amencer,
un despertar de libertades
pra coller polo meu camiño
toutereñando, na noite pecha.
¡Dádeme vagalumes pra que non me perda!

"AZULES" - AMENCER

13 Anos

MARIA DE GRACIA QUIROGA LABRADA

Colexio Público de Foz